

By 0996445503

MUTU 1 : KUBADWA KWAKE

- **Atengambali:** Mayi ake a Nthondo, azimayi a m'mudzi, atsibweni ake a Nthondo, mlongo wake wa Nthondo ndi ena ambiri.
- **Malo:** Kumudzi kwawo kwa mayi ake a Nthondo

NKHANI YA M'MUTUWU MWACHIDULE

Kubadwa kwa Nthondo

- Nthondo adabadwa nthawi yozizira usiku
- Nthondo adali mwana yekhayo wamwamuna pamene ena adali aakazi okhaokha
- Anthu am'mudzimo adapita nakayamikira mwana yemwe anabadwayo
- Nthondo ndi mwana yemwe adayembekezereka kuti adzatengera makolo ake bulangete akadzakula
- Bambo ake a Nthondo anali atatengedwa ndi asilikali pamene iyeyo ankabadwa
- Uthenga wakubadwa kwa Nthondo unatumizidwa kwawo kwa bambo ake a Nthondo, ndipo adalawundira uthengawo mwachimwemwe
- Amayi awo a Bambo ake a Nthondo adakonzekera ndi kunyamuka ulendo wokawona Nthondo
- A kwawo kwa bambo ake a Nthondo adayamikira za kukongola kwa Nthondo ndipo adadziwitsidwa zoti abambo ake adatengedwa ndi asirikali
- A kwawo kwa bambo ake a Nthondo adakhala kwa amayi ake a Nthondo kwa kanthawi

MFUNDO ZIKULUZIKULU ZA M'MUTUWU

a. Chisangalaro

- Anthu a m'mudzi wa kwa amayi a Nthondo adasangalala ndi kubadwa kwake
- A kwawo kwa bambo ake a Nthondo nawonso adasangalala ndi uthenga wa kubadwa kwa Nthondo

b. Miyambo

- Bambo ake a Nthondo adakakhala chikamwini
- A kwawo kwa mayi ake a Nthondo adakanena za kubadwa kwa Nthondo ku akuchimuna

c. Kuthandizana

- Anthu am'mudzimu adathandizana powafunira madzi amayi ake a Nthondo popeza anali akudadwala

d. Kutumikira/Kumvera

- Mnyamata adakanena uthengwa wa kubadwa kwa Nthondo kwawo kwa abambo a Nthondo
- Mwana wamkazi adasinja ufa wokaonera matenda

e. Chikondi

- Amayi ena adakawatungira madzi amayi a Nthondo
- Amayi awo a bambo ake a Nthondo ndi mwana wawo adapita kukawona matenda atuzidwa ndi mnyamata

f. Kudalira

- Mayi a Nthondo adadalira amayi a mu mudzi kuti awatungire madzi

g. **Nkhanza**

- Asirikali anawamanga bambo a Nthondo popanda chifukwa chenicheni

h. **Umodzi**

- Akazi onse a m'mudzi anapita ku nyumba ya mayi ake a Nthondo kukawona mwana

i. **Kulimba mtima**

- Mnyamata wokanena uthenga wa matenda anabwerera tsiku lomwelo ngakhale dzuwa lidali litalowa

MAPHUNZIRO AM'MUTUWU

1. Ndibwino kuyamikira zinthu zabwino
2. Ndibwino kuthandiza anzathu pamene ali m'mavuto

MUTU 2 : ATATE AKE

Malo: Ku Boma, mnjira kuchokera ku boma, kumudzi kwawo kwa Nthondo, kunyumba ya a Dziko, kwawo kwa bambo ake a Nthondo, kuchire ku liwamba, kumanda, kwa a sing'anga

Atengambali: Bambo ake a Nthondo, Kapitawo wa ku boma,anzawo a bambo ake a Nthondo, a Dziko, mayi ake a Nthondo, a namwino, apongozi awo a bambo ake a nthondo,mlongo wake wa Nthondo, Amfumu, Nthondo, Nyalubwe, mkamwini wa munthu wina, Sing'anga, anyamata okumba manda, alongo awo a mayi ake a Nthondo aang'ono ndi enanso ambiri

NKHANI YA M'MUTUWU MWACHIDULE

Komwe atate a Nthondo adali Nthondo atabadwa

- Atate ake a Nthondo adagwidwa ndi asirikali pamodzi ndi anzawo ndi kukagwira ntchito yomanga mlatho ku boma
- Atate ake a Nthondo ndi anzawo adazunzidwa ndi kapitawo wa boma powagwiritsa ntchito ndi njala komanso osawapatsa malo ogona
- Atate ake a Nthondo ndi anzawo adagona mkamsasa komanga wokha pomwe atate ake a Nthondo adalota maloto odabwitsa

Loto la atate a Nthondo

- Adalota atalembere chulu ndipo atatsiriza kupanga litala, zidatulukamo inswa zochuluka. Anauza mwana wawo wamkazi kuti auze amake kuti abwere ndi mtsuko wodzatengeramo inswazo, koma sanathe kuzimaliza inswazo.
- Anzawowo adawauza kuti malotowo adali abwino, ngakhale atavutika chotani, Mulungu sangawataye.
- Atate ake a Nthondo adalipidwa ndalama zisanu aliyense pamodzi ndi anzawo ndipo anayamba ulendo wobwerera kumudzi kwawo atagonanso kwa tsiku limodzi
- Bambo ake a Nthondo adasiyana ndi anzawo atatsanzikana onse ndi njala
- Atate ake a Nthondo adagula nsima ndi nkuku pogwiritsa ntchito ndalama zomwe anawapatsa kapitawo wa boma

- Atate ake a Nthondo adaimitsidwa pamudzi wina ndi kuwuzidwa za kubadwa kwa mwana wawo

Atate a Nthondo afika ku nyumba

- Atate ake a Nthondo adafika nalandilidwa kumudzi ndipo adauzidwa ndi apongozi awo za kubadwa kwa mwana wawo iwo atachoka
- Atate ake a Nthondo adakondwera kwambiri powona mwanayo ndipo adafotokozera anthuwo za maloto omwe adalota.
- Anthu adawawuza kuti amalosera za kubadwa kwa mwanayo
- Atate ake a Nthondo adawuzidwa ndi akazi awo kuti m'phala la mwana mulibe kachikunje ka mankhwala ndipo adafunsidwa kukafuna matumbo a Simba
- Atate ake a Nthondo adapita kukafuna mankhwala kwa a Dziko nawuzidwa kuti akatenge matumbo a Khoswe
- Atate ake a Nthondo adapha makoswe ndi kutengako matumbo ake nakathila m'phala la mwana
- Atate ake a Nthondo adafuna nkhuu yopatsa anamkungwi omwe adachita mwambo wa m'meto atauluka m'chikuta
- Nthondo adamvekedwa tizingwe ta bwazi topanda mikanda
- Atate ake a adakonzatshika loti mkazi wake azigonapo ndi mwana
- Akuchikazi ndi akuchimuna adakanganirana potchula dzina la mwana ndipo akuchimuna ndiwo adatcha mwanayo dzina la atate ake aakulu loti 'NTHONDO'
- Nthondo adamuchitira mankhwala a liwombo ndipo adamukumbiranso mankhwala ena oika m'phala lake
- Nthondo adamvekedwa tizingwe ta mikanda ndi amayi ake atafika pa msinkhu wonyamulidwa ndipo adali mwana wamphamvu
- Atate ndi amayi ake a Nthondo adakamuwonetsa Nthondo kwa eni ake a dzina ndipo adanyamula mphatso monga mphale, nkhuu ndinso Lipande
- Eni ake dzina adakondwera naye Nthondo ndipo pobwera anawapatsa alendowo ufa ndinso nkhuu atagona kwa masiku angapo
- Mlongo wake wa Nthondo adasankhidwa ndi makolo kuti amlere ndipo mbereko adatenga chikopa cha mbuzi imene adatcha dzina loti 'Kanyaza' pokhumbiza ena omwe adalibe mwana
- Mlongo wake wa Nthondo adamulera mwanayo, ankamuyimbira tinyimbo ndiponso ankamuphunzitsa kuyenda

Nthondo adwala

- Nthondo adadwala nthenda ya mawuka yosokonezeka ndi utumbidwa ndipo abambo ake adakapempha mankhwala kwa mkulu wina wake yemwe adawawuza kuti akatenge bwazi, chivumulo, chiphekaukazi ndi masoang'ombe.
- Nthondo adachira ndi kunenepa ndipo adamufuniranso mankhwala a utumbidwa omwe anamuphikira limodzi ndi nkhuu namudyetsa minofu yokhayokha mafupa atawatentha kuti achite khundabwi

Zokhuza atsibweni a Nthondo, a Chembe

- Makolo ake a Nthondo adali a Mtundu wa a Nyanja kapena a Malawi ndipo ankakhala mphepete mwa Nyanja ya Malawi cha kuzambwe
- Adachoka ndi kukakhala kumapiri kutsata chimanga ndipo uku ndi komwe adabadwira Nthondo

- Atsibweni ake a Nthondo adali mfumu yowopsa,yosazolowereka, ndinso yankhanza chifukwa imatha kupha anthu oiderera
- Nthondo amakondedwa kwambiri ndi atsibweni ake chifukwa adali mphwawo yekhayo wa mwamuna

Zovala zakale: Nguwo ndi dewere

- Nthondo anabadwa masiku omwe kunalibe nsalu kotero anthu ankavala zikopa za nyama nachita ‘nguwo’
- Ena amapota tizingwe namawomba nsalu zomwe zimatchedwa ‘dewere’ moti atate ake a Nthondo adatchuka ndi luso lowomba madewere moti adapata nalo nkhuu zambiri
- Nthondo ankafunsa atate ake mafunso ambirimbiri akuwubwana ndipo ankayankhidwa bwino

M’bale wa atate ake a Nthondo avulazidwa

- M’bale wa atate ake a Nthondo adapita nawo kuchire ku Liwamba komwe anakavulazidwa ndi Nyalubwe koma Nyalubweyo adaphedwa
- M’bale wa atate ake a Nthondo adamufunira mankhwalu ndipo adachira komanso adakawalipitsa eni ake a tchirewo pofuna kumujiwitsa. Iwowo adapereka mbuzi zinayi.
- Atate ake a Nthondo adalangiza m’bale wawo kuti azikhala wochenjera ndi anthu adera
- Khomo la atate ake a Nthondo lidali la chikoka kamba ka luso lawo lokonza madewere kotero kuti amalandira mphatso monga mbuzi, nkhuu ndi nkhusa.
- Atate ake a Nthondo ndi atsibweni ake amakondana kwambiri
- Atate ake a Nthondo adaletsedwa kulima munda ndi mkamwini wa munthu wina ndipo adamusiyira kuwopa ziwawa

Atate ake a Nthondo adwala litsipa

- Atate ake a Nthondo adadwala litsipa kwa nthawi yaitali yomwe siyinamve mankhwalu
- Amayi ake a Nthondo ndi a nkhuswe adakanena za matendawo kuchimuna komwe adagwirizana zoti akawombeze mawula
- Mkazi wa atate ake a Nthondo adafotokozera mwini ula za mkangano wa pakati pa iwo ndi mlango wawo kumudzi pankhani ya nkhuu
- Mwini waula adawauza anthuwo kuti apite ndi kukakhwisula mzimu wa agogo ndipo munthu yemwe udamugwera ula analira atamva za zomwe zidachitika kwa a sing’anga
- Atsibweni ake a Nthondo adamukalipira m’bale wawo yemwe udamugwera ula pomutchula kuti ndi mfiti
- Akubanja la yemwe adagwidwa ndi ula adavumata madzi ndi kulavulira pamtengo ndi kuyamba kupembeza mizimu ya agogo awo
- Adaphika nsima ya mawere ndiwo zake nyama ya Nkhuku ndi mbuzi ndi kupita nayo kumtengo kuti mizimu ikadye.
- Pobwera tsiku lina adapeza kuti nyerere zadya, koma iwo adakhulupirira kuti mizimu ya agogo ndi yomwe yadya nsimayo.
- Atate ake a Nthondo adadwalabe kwambiri nakomoka ndipo adatsitsimuka atathiridwa madzi ozizira ndi akazi awo.
- Atate ake a Nthondo adamulangiza mwana wawo kuti aleke magwiragwira ndinso mapenyapenya chifukwa zimapha maso ndi manja.
- Nthondo adamva chisoni ndi bambo ake amene ankamukonda kwambiri ndipo pamenepo atate ake adavutika kwambiri namwalira.

Mwambo wa maliro wa Atate a Nthondo

- Anthu am'mudzimo adabuma kwambiri pokumbukira ntchito zabwino zomwe ankagwira atate ake a Nthondo.
- Anansi awo a atate ake a Nthondo adalira ndipo adakumbutsa akuchikazi za mawula aja omwe adavomera mlandu wa kupha atate ake a Nthondo.
- Anyamata am'mudzimo adapita kukakumba manda. Asanayambe kukuma adaodira ku mandako.
- Pokumba adapeza mwala waukulu ndipo amafuna kulisiya dezenjelo, koma mkulu wina adawachenjeza kuti akatero, azimu adzapha munthu wina kuti alowe mu dzenje lomwe amafuna kulisiyalo (p20).
- Akazi anali kusinja ufa wophikira nsima adzukulu ndipo anayamba kudzolana ufawo potsatira zikhulupiriro zawo.
- Adadya nsima ndipo akazi adanyamula miyala nakaika kumandako ndiponso anatumiza uthenga woti akanyamule mtembo kumudzi
- Anthu adanyamula malirowo pamodzi ndi uta, kaligo, ndi chuma china cha atate ake a Nthondo kuti akakwirire kumodzi
- Adayika malirowo nabwerera kumudzi nkumakagona pa mtanda ndipo m'mawa adakamba milandu yaula pomwe ogwidwayo adalipa mbuzi yomwe inadyedwa ndi ana okhaoka
- Atameta malirowo adachoka pa mtanda ndipo Nthondo amakagona ndi amayi ake
- Atalira kwa mwezi adaphika mowa, kuvina gule ndi kumeta amayi ake a Nthondo potsirizitsa mwambo wa malirowo
- Ena adafuna kuti amayi ake a Nthondo alowedwe chokolo koma iwo adakana ponene kuti adali nkhalamba

MFUNDO ZIKULUZIKULU ZA M'MUTUWU

a. Chikondi

- Atate ake a Nthondo adakonda amayi ake a Nthondo powakonzera Tchika
- Atsibweni a Nthondo ndi atate ake amamukonda kwambirri Nthondo
- Mlongo wake wa Nthondo amamukonda Nthondo pomulera
- Anthu ambiri ankawakonda atate ake a Nthondo chifukwa cha ntchito zawo
- A Dziko adawuza abambo a Nthondo kuti mankhwala ena amene amalowa mu malo mwa matumbo a simba ndi matumbo a khoswe
- Atate a Nthondo atadwala litsipa la ching'alang'ala, anthu ena adabwera ndi chmbalu cha mtengo wong'aluka ndi mphenzi komanso zitsa za mnjira kuti achitire mankhwala.
- Abambo a Nthondo atakomoka, akazi awo adawathira madzi
- Atate a Nthondo amapereka chakudya kwa anthu odzacheza pakhomo pawo
- Mnzake wa dzina adamupatsa Nthondo nkhuu ndi ufa

b. Kuthandizana

- A Dziko adathandiza atate ake a Nthondo powauza mankhwala a mwana
- Anthu ena adathandiza atate ake a Nthondo ndi nkhuu yopereka kwa anamwino
- Mkulu wina adapereka mankhwala a Mawuka kwa atate ake a Nthondo
- Akuchimuna ndi akuchikazi adathandizana potengera atate a Nthondo kukawombeza mawula atadwala.

c. Umodzi

- Atamwalira bambo a Nthondo, anthu anabwera kudzalira ndi kuika maliro

d. Chidani

- Mkamwini wina anawada atate ake a Nthondo kamba ka munda
- Amayi ake a Nthondo adadana ndi mlongo wawo chifukwa cha kusowa kwa nkuku
- Anthu ena anadewa pofuna kumujiwitsa m'bale wa atate ake a Nthondo kwa nyalubwe
- Atsibweni ake a Nthondo anada m'bale wawo chifukwa cha khalidwe la ufiti

e. Nkhanza

- Asirikali adasonyeza nkhanza potenga atate ake a Nthondo kupita nawo ku boma
- Kapitawo adawamana chakudya ndi malo ogona anthu ogwira ntchito
- Amfumu amamenya kapena kupha munthu yemwe wasonyeza mwano pamaso pawo

f. Umphawi

- Nsalu ya mwana adachita kutenga chikopa cha mbuzi
- Anthu ankavala nguwo (zikopa za nyama) ndi madewere chifukwa chosowa nsalu
- Ufa amachita kusinja mu mtondo kusonyeza kuti kunalibe zigayo
- Ankangogwiritsa ntchito mankhwalu azitsamba okhaokha kusonyeza kuti kunalibe zipatala zamakono
- Bambo a Nthondo adatuma mwana wawo kukapempha nkuku zolipirira anamwino. Nkhuku zawo zidafa ndi chideru
- Bambo a Nthondo amagona mnyumba ya nsikidzi

g. Zikhulupiro ndi Miyambo

1. Kukhulupirira ula

- Atadwala atate ake a Nthondo, ankhoswe akuchikazi ndi akuchimuna adapita ku ula kuti akadziwe gwero la matenda ndipo ula udagwera mlongo wina wa amayi a Nthondo.

2. Mizimu

- Zinthu zikalakwika amakapembedza mizimu. Mwachitsanzo, anthu amateta kukachisi kupempha mizimu kuti iwapatse zomwe akufuna monga mvula (p67-68)
- Munthu wotsogolera kumanda adaponya mwala kumanda kuwodira kwa azimu
- Anthu atawombeza za matenda a abambo a Nthondo, adawuzidwa kuti akakhwisule pa mtengo kuti mizimu yokwiya yomwe yabweretsa matenda ikhululuke ndi kuchiza odwalayo.
- Pochoka kumanda koika bambo a Nthondo, adzukulula anagulula makasu ndipo atafika kunyuma anatenga zinyatsi nawaula makasuwo kuti azimu achoke
- Nthondo adamupatsa mkalo (dothi lakumanda) naponya mdzenje kuti ayiwale msanga
- Anthu akamakumba manda ndi kupeza mwala amapitiriza kukumba chifukwa akasiya azimu amakwiya ndikupha munthu wina.

3. Ufiti

- Amakhulupirira kuti mwana sayenera kunyamulidwa pa phewa chifukwa amayambira kumera mano a m'mwamba, zotsatira zake eti amadzakhala mfiti.
- Anthu amakhulupirira kuti alongo awo a amake Nthondo ndi mfiti chifukwa sing'anga adati ndiwo adaloza atate a Nthondo (p18)

4. Mankhwala a zitsamba

- Bambo a Nthondo adapempha mwankhwala a utumbidwa
- Atate a Nthondo atadwala litsipa la ching'alang'ala, anthu ena adabwera ndi chimbalu cha mtengo wong'aluka ndi mphenzi komanso zitsa za mnjira kuti achitire mankhwala

h. Chisoni

- Nthondo adamva chisoni ndi abambo ake pomwe ankamwalira
- Amayi ake a Nthondo adali ndi chisoni ndi amuna awo. Iwo adavala zingwe kumutu kwawo kutsimikiza chisoni
- Anthu am'mudzi adamva chisoni ndi imfa ya atate ake a Nthondo
- Nthondo amakhala ndi amayi ake mwachisoni abambo ake atamwalira
- Boma lidachita chisoni ndi anthu powoloka mtsinje choncho lidagwira anthu kuti akonze mlathowo

i. Malangizo

- Atate ake a Nthondo adalangiza mwana wawo pamene iwo ankamwalira
- Atate ake a Nthondo adalangiza m'bale wawo pamene anavulazidwa ndi Nyalubwe

j. Umasiye

- Nthondo ndi amayi ake adakhala pa umasiye atamwalira atate ake

k. Ulosi

- Atate ake a Nthondo adaloseza za kubadwa kwa mwana wawo kudzera m'maloto oti agwira inswa zambiri.

l. Udindo

- Atate ndi amayi ake a Nthondo adali ndi udindo wosamalira mwana wawo atadwala
- Abale awo a atate ake a Nthondo adasamalira atate ake a Nthondo pamene adadwala

m. Kudzidalira

- Abambo a Nthondo amaluka madewere

n. Kudalirana

- Anthu omwe adagwidwa ndi asirikali adadalirana pomanga msasa woti azigonamo

o. Kudalira

- Bambo a Nthondo adadalira a Dziko kuti awauze zoti matumbo a khoswe ndi omwe adalowa mu malo mwa matumbo a simba
- Bambo a Nthondo adadalira abwenzi awo kuti awapatse nkhuu zolipirira anthu a mu chikuta
- Bambo a Nthondo adakapempha mankhwala a litsipa kwa mkulu wina
- Boma lidadalira atate a Nthondo ndia anzawo kuti akonze ulalo
- Amayi a Nthondo adadalira mlango wa Nthondo kuti alere Nthondo
- A Chembe adadalira Nthondo kuti ndi amene adzalowe ufumu mu malo mwawo

p. Kutumikira

- Mwana adapereka madzi osamba kwa abambo a Nthondo

q. Mwambo wa maliro a abambo a Nthondo.

- Pa maliro a atate a Nthondo padachitika ndondomeko zonse za pamaliro monga kutumiza uthenga ndi kubuma (kulira pa maliro kapena kukhuza koyamba anthu akatha kusambitsa mtembo). Ataphika mowa adameta ndipo padabwera gule.

- Kumayamikira munthu akachita zabwino ngati m'mene adachitira anzawo a atate ake a Nthondo powayamikira chifukwa cha luso lawo.
- Kumakhala ndi udindo wosamalira ana athu
- Ndibwino kumathandizana pa nthawi ya zovuta ngati m'mene anachitira anthu am'mudziwu pamaliro a tate ake a Nthondo
- Sibwino kumapitiriza miyambo yina ya makolo yoipa ngati chokolo. Amayi ake a Nthondo adakana.
- Kumalangizana pamene tawona wina akugwa m'mavuto monga momwe adachitira atate ake a Nthondo kulangiza m'bale wawo

MUTU 3 : UBWANA WAKE

- **Malo:** Kumudzi kwawo kwa Nthondo, m'mphala, kumudzi wa kwa a msinda, kumunda, kwawo kwa eni dzina a Nthondo, kwawo kwa mkulu wochokera ku Harare
- **Atengambali:** Nthondo, amayi ake a Nthondo, atsibweni ake a Nthondo, amnzake a Nthondo, a Mdimba ndi ena ambiri.

NKHANI YA M'MUTUWU MWACHIDULE

Umphawi mu nyumba ya amayi a Nthondo

- Amayi ake a Nthondo adakhala pa umphawi ndi Nthondo chifukwa cha imfa ya amuna awo
- Adasowa zinthu zambiri monga chakudya ndinso anthu owathandiza kukonza tsindwi la nyumba
- Amayi ake a Nthondo adakumbukira ubwino wa amuna awo kamba ka mavuto omwe amakumana nawo ndipo adayamba kuwonda
- Nthondo adamvera chisoni amayi ake ndipo awiriwa adayamba kukhala moyo wodalirana

Nthondo asamukira ku mphala

- Nthondo adakula ndi kuyamba kusewera ndi anzake omwe adamukopa kuti azikagona nawo kumphala
- Nthondo adalandiridwa ndi anzake kumphala ndipo adawuzidwa kuti m'mphala muli masautso ambiri
- Nthondo adakhumbira anzake akubusa mbuzi ndinso nkhoa ndipo adakapempha kuti azikabusa za atsibweni ake nalolezedwa
- Anzake a Nthondo adamukopa mzawo kuti akonde moyo wa ubusa ndipo anyamatawa ankachita chidyerano kumphala yawo
- Anyamatawa ankasankha mtsogoleri wawo potengera kumenyana ndipo ndewu zimachitika kawirikawiri ku ubusa

Nthondo asintha khalidwe

- Nthondo anayamba kuphunzira moyo wa ndewu ndipo amayi ake ankadabwa naye
- Nthondo adaphunziranso moyo wa kuba kumphala pamene njala idavuta m'mudzi mwawo

- Nthondo adayamba kukhumbira amnzake omwe amaba ndi kumawotcha nkhuu m'mphala mwawo moti mpakana adakanika kuwawuza amayi ake za kubedwa kwa nkhuu yawo kamba ka mantha
- Nthondo adayamba kuba zinthu za amayi ake mpaka tsiku lina adaswa m'phika wawo
- Nthondo adayamba kuwonetsera makhalidwe ake oipa ndinso anawada alongo ake chifukwa chomuneneza akaba
- Nthondo adaponyera mwala alendo ndi kulasa m'modzi wa alendowo omwe adadutsa m'mudzimo ndipo anzake zimenezi adasangalala nazo
- Alendowo adakanika kumloza Nthondo chifukwa sadamdziwe bwinobwino
- Nthondo adakula ndi makhalidwe amwano, bodza, kuba, ndewu komanso ulesi
- Nthondo ankangokhalira kuyendayenda osapezeka pakhomo kuwopa kumatumidwa ntchito ndi amayi ake ndinso atsibweni ake.

Zomwe Nthondo adaphunzira

1. Ku mphala

- a. Kuba:** anzake a Nthondo amamutenga pamene amapita kukaba zinthu zosiyanasiyana monga misinde.
- b. Kupirira:** Ngakhale ku mphala kunali mphutsi, Nthondo anapirira nazo
- c. Kusunga chinsinsi:** Iye sananene kwa amayi ake ataona nkhuu yawo itabedwa ndikuphendwa ndi anzake ku mphala

2. Kuubusa

- a. Kupirira:** ngakhale amauzidwa kuchita ndeu ndi wina, iye sanaleke kupita kuubusa
- b. Kutumika:** mtsogoleri akawauza kuchita chinthu iwo samawiringura, amangochita monga kuchita ndeu, kubusa mbuzi
- c. Ndeu:** mtsogoleri akawauza kuchita ndeu ndi wina popanda kuyambana ndipo amamenyanadi
- d. Kulimba mtima:** chifukwa cha ndeu yomwe anyamata ankachita kuubusa, iwo adaphunzira kulimba mtima.

Nyumba ya amayi a Nthondo ipsa

- Nyumba ya amayi ake a Nthondo idapsa ndi moto ndipo katundu yense adapsera momwemo
- Nthondo adakanika kuwathandiza amayi ake kumanga nyumba ngakhale kuti adavomera ndi pakamwa pokha
- Amayi ake a Nthondo adakapempha chimera kwa abwenzi awo kuti akaphike mowa wa milimo woti athu akawathandize kumanga nyumba Nthondo atalephera
- Anthu adakhamukira kokamwa mowawo ndipo adathandiza amayi ake a Nthondo kumanga nyumba ngakhale kuti sadamalizitse chifukwa mowa udathera panjira
- Amayi ake a Nthondo adamva chisoni ndi kusamalizika kwa ntchitoyo koma Nthondo adakanabe kuwathandiza ngakhale kuti mnzake wina adamulangiza za kufunika kowathandiza amayi ake
- Munthu wina adawathandiza amayi ake a Nthondo kumanga Nyumba atawamvera chisoni
- Pamudzi pa a msinda panadutsa azungu ndipo Nthondo adafunitsitsa kudziwa zambiri za azunguwo pomwe adauzidwa kuti azungu ndi nkondo

Nthondo apitiriza kuba

- Nthondo adapitiriza khalidwe lake la kuba pomwe adaba zipwete komanso nkunda ndipo adagwidwa napita naye kwa atsibweni ake

- Nthondo adaulura dzina lake ndi la atate ake ake kwa eni ake a nkhundazo
- Atsibweni ake a Nthondo adalipira mbuzi zisanu kwa eni nkhundazo ndipo adadzudzula Nthondo ndi kumumenya chifukwa cha khalidwe lake lakuba
- Nthondo adakabanso misinde ndipo mwini munda adachenjeza anthu kuti adzambulasa munthu yemwe adzamupeze kotero amayi ake a Nthondo adapita kumphala kukamulangiza mwana wawo kuti apewe khalidwe la kuba
- Nthondo adanyozera malangizo a amayi ake ngakhale kuti adali a chilungamo
- Nthondo adanyenga mnzake kuti akabe misinde ndi dowe ndipo kumeneko mnzakeyo analasidwa ndipo anamwalira mnjira akuthawa
- Nthondo adamenyedwa chifukwa chochititsa kuti mnzakeyo amwalire.
- Mwini munda adakana kuimbidwa mlandu wa kupha munthu ponena kuti iye adapha nguluwe

Nthondo apita kwa mnzake wa dzina

- Nthondo adakana kukadula mitengo yosema mipini atatumidwa ndi atsibweni ake ndipo adamupitikitsa nathawira kwa mnzake wa dzina
- Nthondo adalandiridwa ndi mnzake wa dzina ndi kupatsidwa chakudya ndi malo ogona
- Nthondo ndi mnzake adapita kukawonera gule ndipo adayamba kuvina nawo kotero onse adasangalala ndi guleyo popeza amagundana ndi atsikana.

Amayi a Nthondo adwala ndipo amwalira

- Nthondo adauzidwa uthenga wa matenda a amayi ake koma sadapite kukawawona mpaka tsiku lina adawuzidwa za imfa ya amayi akewo
- Nthondo adapita kwawo kukakhuza maliro a amayi ake ndipo atsibweni ake adamudzudzula chifukwa chakulephera kubwera kudzawona amayi ake pamene ankadwala ngakhale kuti amamva mauthengawo.
- Nthondo adakapempha chimanga kwa atsibweni ake koma adamukaniza namupitikitsa ndipo adakapempha kwina.
- Mowa wammeto unaphikidwa ndipo onse anachitamwambowo pofuna kutsiriza maliro a amayi ake a Nthondo.
- Nthondo adamva za munthu yemwe adabwera ndi chuma kuchokera ku Harare ndipo adalingalira zopitako powona kuti anadana ndi atsibweni ake, alongo ake komanso chifukwa amati adalibe amayi ake.

Nthondo ndi anzake aganiza zopita ku Harare

- Nthondo ndi mnzake adapita kwa mkulu yemwe anabwera kuchoka ku Harare kuti akamufunse zambiri atawasimbira anzakewo za nkhanayi m'mphala.
- Mkuluyo adawaonetsa anyamatawo chuma ndipo anawauza za momwe angapitire ku Harareko, tsono Nthondo adalingalira za kuba chumacho koma adalephera popeza kudali kutali.
- Nthondo ndi amnzakewo adavomerezedwa kudzapita ku Harare pamodzi ndi a Mdimba omwenso amafuna kupita ku Harareko.
- Nthondo ndi amnzakewo anabwerera kwawo Nthondo ataba mbota yomwe anakaipota tizingwe totchera mbalame.
- Anyamatawo adacheza ndi kugwirizana zowawuza akazi kuti awasinjire ufa woti anyamule ku Harare koma Nthondo adamumana atsibweni ake ndipo amnzake anamulimbisa mtima pomuwuza kuti azikadya nawo ufa wawo.

- Nthondo atapita kokatchera mbalame, adaba ufa wa mfumu ndi kubisa kuphanga kuti azikadya popita ku Harare koteri anzake adamutama ngakhale kuti mwini ufayo adadandawula.
- Nthondo adanyamula ufa napita nawo kwawo kwa a Mdimu ndipo adawuzidwa kuti azikanyamuka ngakhale kuti adafunsidwa za mbota yomwe adaba koma iye adakana kuvomera.

Ulendo wopita ku Harare

- Nthondo ndi anzake ananyamuka ulendo wawo ngakhale kuti Nthondo adali ndi chisoni chifukwa chodana ndi atsibweni ake omwe sanampatse kena kalikonse kamba koti iye sadatsanzike monga anzakewo adachitira.
- Anyamatawo adacheza nkhanu mnjira ndipo atafika kwa mkulu yemwe adachoka ku Harare uja analandiridwa bwino.
- A Mdimu adapereka moni ndi kuwawuza anyamatawo kuti akhale (aswere) kaye tsiku limodzi kuti awakonzere tsindwi la nkhokwe akazi awo.
- Anzake a Nthondo adathandiza a Mdimu kukonza tsindwi koma Nthondo adakana ponena kuti Ntchofu yamuvuta.
- A Mdimu ndi anyamata aja adanyamuka ulendo wawo kupita ku Harare m'mawa wa tsiku linalo.

MFUNDO ZIKULUZIKULU ZA M'MUTUWU

a. Umasiye

- Amayi ake a Nthondo adavutika ndi umasiye amuna awo atamwalira
- Nthondo adavutika ndi umasiye amayi ake atamwalira

b. Chisoni

- Mayi ake a Nthondo adali ndi chisoni nyumba yawo itapsa
- Mayi ake a Nthondo anali ndi chisoni ndi makhalidwe oipa a mwana wawo
- Mnzake wa Nthondo anawamvera chisoni amayi ake a Nthondo ndi kuwathandiza kumanga nyumba
- Nthondo anali ndi chisoni atsibweni ake atamukaniza chimanga
- Nthondo adagwidwa ndi chisoni mayi ake atamwalira
- Anthu adali ndi chisoni pomwe amanyamulan maliro a mnzake wa Nthondo amene adamubaya atanseza misinde yakuba

c. Uchigawenga

- Nthondo adagenda alendo

d. Bodza

- Nthondo adanamiza amayi ake kuti amasewera pomwe amafunsa za kutuwa kwake, pomwe amamenyana (p24)
- Nthondo adanama kuti sadawone mbota pomwe mnyamata yemwe adapita ku Harare adamufunsa za mbota yomwe iye adaba
- Pamene nyumba inapsa, mayi ake anamuza Nthondo kuti awamangire tsindwi koma iye anangvomera koma sanamange (p27)
- Pamene wina anamudzudzula Nthondo posawamangira nyumba amayi ake iye adanama kuti amamva litsipa (p29)

- Atsibweni a Nthondo atamufunsa Nthondo za nkhunda zomwe iye anaba, Nthondo anakana nauza atsibweni akewo kuti iye sanabe koma kuti iye amangopita pafupi ndi chikukumba cha nkhundacho. Apa mwini wake anayamba kufuula kuti iye wawabera. Koma tsiku la mlandu iye sanatsutse zoti iye anaba
 - Nthondo atauzidwa kuti akadule mtengo kuti aseme mini, iye sanapite. M'mawa mwake Nthondo adanena bodza pouza atsibweni ake kuti ena anamupempha kuti akawatsotsolere nkhuku. Apa atsibweni akewo anatenga mtengo namuthamangitsa kuti amumenye (p33)
 - Nthondo adanena bodza pouza atsibweni ake kuti iye anasiya amayi ake ali kudwalabe pamene iye amapita kwa mnzake wa dzina. Iliku linali bodza popeza iwo anayamba kudwala Nthondo atachokako kale.
 - Nthondo adanena bodza atapalamula kwa a Mdimba pamene adalephera kuthandiza nawo kumanga tsidwi la nkhokwe ponena kuti iye akudwala ntchofu.
- e. Kuthokoza**
- Nthondo ndi anzake adathokoza mnyamata amene adapita ku Harare atawawuza kuti angathe kudzapita ku Harare ndi a Mdimba
- f. Kukhulupirira mankhwala a zitsamba**
- Amayi a Nthondo adamulangiza Nthondo kuti asamabe angadzapunduke chifukwa kwachuluka chambu
- g. Kuba**
- Nthondo ndi anzake adakaba misinde ku dimba
 - Nthondo amaba ndiwo, mazira ndi zina mu nyumba mwa amayi ake
 - Nthondo adaba zipwete pomwe amakumba mbewa
 - Nthondo adaba nkhunda ndipo atagwidwa adamumenya
 - Nthondo adaba mbota kwa munthu amene adapita ku Harare
 - Nthondo adakaba thumba la chikopa cha mbuzi kwa atsibweni ake kuti aikemo ufa
 - Nthondo adaba ufa womwe udayanikidwa pa dzuwa nakaubitsa ku phanga la nengo kuti azikadya popita ku Harare (p39)
- h. Kudalira**
- Amayi ake a Nthondo anadalira bwenzi lawo kuti liwapatseko chimera
 - Amayi ake a Nthondo anadalira anthu am'mudzi kuti awamangire nyumba, yawo itapsa
 - Amayi a Nthondo adapempha chimanga kwa alongo awo
 - Amayi a Nthondo anadalira munthu wina kuti awatsirizire nyumba Nthondo atakana
- i. Malangizo**
- Amayi ake a Nthondo adalangiza mwana wawo kuti asiye khalidwe loipa
 - Mnzake wa Nthondo adalangiza Nthondo za kufunika kokawamangira nyumba amayi ake
- j. Kunyozera ndi mwano**
- Nthondo adanyozera malangizo a amayi ake
 - Nthondo adanyozera malangizo a mnzake
 - Nthondo adawachitira mwano amayi ake ndi atsibweni ake
- k. Imfa**
- Amayi ake a Nthondo adamwalira

- Mnzake wa Nthondo adamwalira

l. Kusirira

- Nthondo ndi amnzake anasirira chuma cha munthu amene anachokera ku Harare

m. Chikondi

- Anthu ambiri adathandiza kuzimitsa moto nyumba ya amayi a Nthondo itayaka
- Munthu wina adapatsa amayi a Nthondo mowa womangitsira nyumba
- Atsibweni a Nthondo amamugawira chakudya Nthondo
- Munthu wina adawamangira nyumba amayi a Nthondo
- Munthu yemwe adatenga nyemba ndi nkuku zogulitsa adauza Nthondo kuti amayi ake akudwala
- Munthu wina adauza Nthondo kuti amayi ake adamwalira
- Anzake a Nthondo adamuza Nthondo kuti azikadya nawo ufa popita kyu Harare

MAKHALIDWE A NTHONDO

1. Wouma mtima/ wopanda chisoni

- Nkhakhale adadziwa kuti nkuku yomwe anzake adaba ndikupha idali ya amayi ake, Nthondo sadaulule pomwe amayi ake amadandaula
- Nthondo adagenda alendo omwe amafunsa njira
- Amake a Nthondo adadandaulira Nthondo kuti amange nyumba yomwe inapsa ndi moto koma iye anangovomera koma sanamange
- Nthondo atauzidwa zakudwala kwa amake, iye sdapite kukwawona kapena kuuza anthu ena kumeneko mpaka adamwalira
- Nthondo sadamve chisoni ngakhale amfumu anadandaula za kubedwa kwa ufa uja (p39)

2. Wosamvera/Wosalangizika

- Nthondo sadamvere mayi ake atamupempha kuti awamangire nyumba (p27)
- Mayi ake adamuchenjeza za kuipa kwa kuba komanso chenjezo loti wina sakabeso misinde. Iye anamukakamiza mnzake kukaba ndipo mnzakeyo analasidwa nafa.
- Nthondo adakalipira munthu yemwe adamulangiza kuti awamangire amake nyumba pomuza kuti iye safuna kulangizidwa
- Asanamwalire, abambo a Nthondo anamulangiza kuti asiye magwiragwira chifukwa mapha manja komanso mapenyapenya amapha maso. Abambo ake adamwalira, iye anayamba kuba zintu zosiyanasiyana.
- Adakana kuti awasemere mpini atsibweni ake (ulesi).

3. Ulesi

- Nthondo sadaseme mpini womwe atsibweni ake adamutuma

AMAYI A NTHONDO ADALI ACHIKONDI NDINSO ANZERU

- Adachenjeza Nthondo kuti sakayerekeze kukaba misinde malinga kuti akatero akalasidwa
- Amake Nthondo akaona chakudya amatemera Nthondo (p21)
- Sanazenge mlandu mwana yemwe anatenza nyumba yawo polinga mawa

- Anakana kuti m'bale wa amuna awo awakwatire atamwalira amuna awo ponena kuti iwo ndi nkhalamba

MAPHUNZIRO AM'MUTUWU

- Kufunika kwa kuthandiza anzathu omwe ali m'mavuto monga a umasiye
- Chinyamata chikhoza kuwononga munthu ngati atsaira magulu oipa
- Khalidwe loipa lilinso ndi zotsaira zake zoipa monga imfa
- Ndibwino kusamalira makolo athu akadali ndi moyo
- Mwana wa makhalidwe oipa sasangalatsa makolo ake komanso abale ake omwe akukhala nawo

MUTU 4: MAULENDO AKE

Malo: Mnjira yopita ku Harare, Ku Harare, ku gadi, mnjira yochokera ku Harare, pa kamtsinje, ku Dzalanyama, ku chipatala, kwa mkulu wodziwa mankhwala, kumudzi kwawo kwa Nthondo, ku Kapata, ku domwe, ku Kabula

Atengambali: Nthondo, amnzake a Nthondo, a Mdimba, azungu aku Harare, msirikali wa ku gadi, atsibweni ake a Nthondo, Mdzitula, amnzake a Nthondo, anthu am'mudzi mwa a Domwe, m'phunzitsi wa mawu a Mulungu, azungu a ku Kapata ndi ku Kabula ndi ena ambiri

NKHANI YA M'MUTUWU MWACHIDULE

Ulendo wopita ku Harare

- Nthondo, a Mdimba ndi anzake adanyamuka ulendo wopita ku Harare ndipo atayenda masiku atatu adafika pa Dzalanyama.
- Atayenda masiku anayi mnyamata wina adadwala litsipa ndipo Nthondo adawauza anzake kuti akamufunire mankhwala a kangaluche yemwe adamutentha ndi kusakaniza ndi tsabola. Atatero adamutemera wodwalayo. Wodwalayo sadachire ndipo adakhala pomwepo masiku ambiri mpaka ufa womwe adatenga udayamba kuthaada.
- A Mdimba adawuza anyamata kuti apite pa mudzi wina kukafuna chakudya. Anzake a Nthondo adamovera koma Nthondo adakana nati dzanja likumuwawa. Wina atamuuza Nthondo kuti ndi wopusa, iye adati safuna munthu kumunena kuti ndi chitsiru angathe kumumenya. Anzake a Nthondo adamuukira nayamba kumunenya. A Mdimba adabwera ndi kumulanditsa Nthondo
- Anzake a Nthondo adapatsidwa ntchito yomanga khola la mbuzi ndipo adawalipira chimanga chodzadza matumba awiri.
- Atanyamuka ufa udawatheranso tsiku lina ndipo anthuwa adayamba kuwonda

Nthondo agwidwa akuba ndipo anzake amuthawa

- Nthondo adapitiriza khalidwe lake lakuba ndipo adaba mapira nagwidwa zomwe zidapangitsa kuti anzake amuthawe ndi kumusiya.

- Nthondo adawuzidwa kuti agwire ntchito kwa chaka chimodzi ngati malipiro a kuba koma iye tsiku lina anabanso chimanga nathawa ndi kupezana ndi anthu ena aulendo opita ku Harare
- Nthondo adakumana ndi anyamata anzake ku Harare pomwe adawalongosolera m'mene adabera mapira komanso anzakewo adamulongosolera za m'mene adamuthawira.

MAVUTO OMWE ADAKUMANA NAWO PA ULENDU WOPITA KU HARARE

1. Matenda: Mnyamata wina adamva litsipa padzalanyama (p42).
2. Mkangano: Anzake a Nthondo anamuukira namumenya chifukwa cha ulesi wake.
3. Kusowa chakudya: Chifukwa cha kutalika kwa ulendo matumba awiri omwe adapatsidwa atagwira ntchito pa mudzi paja adatha ndipo ankadya masawu (p43). Onse adayamba kuonda ndi njala moti pamene amaoloka Zambezi adali mafupa okhaokha.
4. Kutalika kwa ulendo: Ulendo wawo udali wautali kotero kuti adayenda masiku ambiri ndipo pamene amafika adali otopa
5. Kugwidwa kwa Nthondo: Nthondo adapita pa mudzi wina kukaba mapira ndipo mwini wake atamugwira adamumenya koopsa. Kenaka analamulidwa kugwira ntchito kwa chaka chimodzi pa khomo ngati chilango.

Nthondo ku Harare

- Nthondo adapeza ntchito yoweta nkhu ku Harare ndipo amalipidwa ndalama khumi zimene adagulapo chofunda koma zina amasunga.
- Nthondo adaba nkhu imodzi ya mzungu namuwuza mzunguyo kuti nkhu yosowa
- Tsiku lina Nthondo adaba mawungu atatu m'munda wa mzunguyo nagwidwa ndi mlonda ndipo Nthondo adamangidwa nayikidwa mgadi pomwe anawuzidwa kuti agwire ntchito masabata atatu
- Nthondo adagwira ntchito monga kukumba mayenje, kudula nkhu komanso kukoka galeta

Nthondo mu ndende

➤ **Loto lake loyamba**

- Iye adalowa mu dziko la mdima, maso ake osaona bwinobwino. Mnyamata wina amene kale adaladwa ku munda kuja adayamba kumuthamangitsa koma osonetsetsa. Amangoona maso ake kuti asanduka aatali. Nthondo adayesesa kuthawa koma mnzakeyo sadamuleke (46)
- **Tanthauzo:** Lotoli limamuchenjeza kuti iye analakwitsa ponyenga mnzake kuti akamuperekeze kukaba misende popeza adamuphetsa. Kotero kuti samayenera kubwerenzanso mchitidwewu
- Nthondo amavutika ku gadi chifukwa chakudya chidali nsima yosakaniza ndi mchere kotero kuti masiku ena amasanza kwambiri
- Nthondo adamenyedwa zikoti zinayi ndi mzungu ku gadi natulutsidwa nthawi yake itakwana
- Nthondo adafuna kukafunsa ntchito yake kwa mzungu wakale uja koma adamuitanira agalu namuluma komanso adamumenya makofu
- Nthondo adadzimvera chisoni ndipo amaganiza kuti mwina amnzake ndiwo adamunenera kwa mzungu wake kotero adadana ndi amnzake aja
- Nthondo adapezanso ntchito ya mtsogoleri wa ngolo yomwe imakoka ndowe yokathira m'munda ndipo adagwira ntchito kwa chaka chimodzi.

Nthondo akhalanso mu ndende

- Tsiku lina pamene munthu wofulumiza ng'ombe amazimenya adaphuluza ndi kumenya khutu la Nthondo, Nthondo adamuluma chala mnzakeyo. Adamuponda mnzakeyo pamtima ndipo adakomoka. Choncho Nthondo adagwidwa namuyika mu gadi kwa miyezi isanu ndi umodzi.
- **Loto lake lachiwiri**
 - Iye adapita kuuzimba pamodzi ndi anthu ena, ndipo mikango iwri idayamba kumupitikitsa nimugwira nimudya (p48-49)
 - Kufunika kwa lotoli: Lotoli linkamuchenjeza kuti zoipa zinali kubwera kutsogolo. Nthondo akanapanda kuchokako mnsanga ku Harare akanaphedwa chifukwa munthu yemwe adamukomola adamwalira
- Nthondo adalingirira kuti panali munthu wina yemwe amamuchitira mankhwala kuti azichimwa popeza anzake amakhala mwamutendere
- **Loto lake lachitatu**
 - Iye adaona munthu wina amene adamvala nsalu zoyera. Adali ndi ndodo yowala ndipo amamuloza ndi ndodo yakeyo ndi kunena kuti *ndidzakulanga ukapanda kusiya zoipa zako* (P48/49)
 - Kufunika: Malotowa adamuchititsa kutsutsika mu mtima mwake ndipo patsogolo pake adapanga chitsankho chotembenuka mtima

Nthondo atuluka mu ndende

- Nthondo adapatsidwa ntchito ina ndi mzungu wake atatulutsidwa mgadi ndipo anakatenga ndalama ndi chuma chake komwe anakasungitsa
- Nthondo adapita kwa ndoda yina kukafuna mankhwala chifukwa iye amaganiza kuti amfiti amamutambira kuti azilota maloto oipa.
- Ndodayo idapereka mankhwala a thupi ndi otera (mchira wa fisi) kwa Nthondo
- Nthondo anadwala ndipo mankhwala ake sadagwire ntchito kenaka mzungu wake anamutumiza kuchipatala
- Nthondo adalandira mankhwala kuchokera kwa a sing'anga nthawi zinanso momuwumiriza mpaka adachira
- Nthondo adatuluka mchipatala nakapitiriza kugwira ntchito yake

Nthondo abwerera ku mudzi

- Nthondo adalingalira zobwerera kumudzi kwawo ndipo anakatsanzika kwa mzungu wake ponena kuti kwawo kunachitika maliro
- Nthondo adafunafuna amnzake wopita nawo ndipo adawapeza koma anyamata anabwera nawo aja adamukanira moti adapeza anthu adera omwe adanyamuka nawo
- Nthondo adanyamuka ndi anthuwo atatenga chuma chake ndipo ulendo wake udali wodyerera mnjira
- Nthondo ankagula yekha chakudya pamene amnzakewo ankanena kuti alibe ndalama choncho Nthondo amazitama ndi ndalama zake
- Nthondo adayenda nadutsa pamudzi womwe anaba mapira ndipo adaseka kwambiri
- Atawoloka Zambezi, anthuwo adayenda mzipululu mosowa madzi ndipo munali miyala yambiri
- Anthuwa adafika pa kamtsinje kamadzi pamene adatula katundu wawo ndi kumwa madzi ndipo Nthondo adamusiya pomwepo chifukwa amati afuna kuti apume

- Nthondo adapezana ndi munthu wina yemwe adafuna kuti amunyamulilepo katundu iye akuchotsa thekhenya koma munthuyo adamubera Katundu wake
- Amnzake adamumvera chisoni Nthondo atadziwa kuti waberedwa ndipo Nthondo anadandawula chifukwa cha kuberedwa katundu monga mabulangeti, nsalu ndi wina wambiri

Nthondo afika ku mudzi

- Nthondo ndi amnzake adayenda ndi kudutsa pa Dzalanyama nafika pamudzi wapafupi ndi kwawo kwa Nthondo pomwe adaima atamva kuti kwawo kwa Nthondo kunachitika maliro
- Nthondo adakafika kumudzi kwawo usiku akulira pamodzi ndi amnzake ndipo atsibweni ake ndi anthu ena adamulandira mwansangala
- Adafunsidwa za amnzake aja kuti abwera liti ndipo Nthondo adayankha kuti adamuwuza kuti abatsogola
- Atsibweni ake a Nthondo adalonjera Nthondo ndi anzakewo m'mawa wa tsiku linalo. Anzakewo anafotokoza za kusowa kwa katundu wa Nthondo mnjira ndikuti anadzera kudzaperekeza Nthondo atasowa obwera nawo.
- Atsibweni ake a Nthondo anadandawula chifukwa cha matsoka a m'phwawo ndipo analongosola kuti ankamva zonse zomwe zinkamuchitikira Nthondo pamene adali ku Harare.
- Atsibweni ake a Nthondo anawapatsa Nkhuku alendo aja nawafunira ulendo wabwino ndipo Nthondo adawaperekeza kunjira

Nthondo acheza ndi atsibweni ake

- Nthondo adafunsidwa za ndalama ndi atsibweni ake pamene ankapanga ming'oma ndipo iye anawayankha kuti ankagulira chakudya mnjira pamene amnzake ankamukanira choncho atsibweni ake anadandawulira Nthondo chifukwa chosasunga ndalamazo
- Nthondo ndi atsibweni ake anacheza mwakanthawi akupanga ming'oma ndipo adamufunsa ngati adzathe kusunga abale ake chifukwa amamukayikira kamba ka khalidwe lake loipa ndipo adayamba kumulangiza kuti asiye khalidwe lake loipalo popeza kuti akadafa nalo ku Harareko
- Tsiku lina Nthondo adacheza moserewulana ndi msuweni wake **Mdzitula** ndipo msuweni wakeyo adamufunsa zoti amupatseko chuma koma Nthondo adamunamiza pomuwuza kuti chidamuka ndi madzi pa Zambezi m'malo mongonena kuti chinabedwa.
- Nthondo anapita kukawona amnzake omwe anachoka nawo ku Harare ndipo anakachezako kwa tsiku limodzi nabwerako

Nthondo abanso

- Nthondo adalema ndi kupemphedwa chuma cha ku Harare ndi anthu choncho anaganiza zotemera mankhwala ake kuti ayambenso kuba
- Kotero Nthondo adakawotcha nyumba ya mnzake m'modzi yemwe adachoka naye ku Harare ndi kukaba katundu yense m'nyumbamo moti anthu anadandawula ndi kubedwa kwa katunduyo ngakhale sadadziwe kuti anabayo adali Nthondo.
- Nthondo adayamba kuvala ndi kugawira amnzake chuma chimene adabacho mpaka chidatha ndipo anasaukanso kwambiri nayamba kuvala zikopa za a Kunda (bwampini) amene ankakumba kotero anthu adayambanso kumuseka

Anzake a Nthondo afika ku mudzi kuchokera ku Harare

- Tsiku lina usiku anzake a Nthondo omwe adatsala ku Harare anafika ndipo Nthondo adawafotokozera za momwe katundu wake adasowera.
- Anzakewo adamuwuza kuti munthu yemwe adamupanda ku Harareko anamwalira choncho Nthondo anadandawula naganiza kuti mwina mizimu ya atate ndi amayi ake ndi yomwe idamukunga.
- Tsiku limenero usiku anthu anasautsidwa kwambiri ndi afisi
- Anyamatawo adayamba kugawa chuma chawo ndipo wina adampatsako nsalu Nthondo
- Tsiku lina anyamatawo adayamba kucheza za umphawi wawo mu mphala ndipo adaganiza zokasenza mtengatenga ku **Kapata** popeza ku Harare sakanatha kuwalora kuti apitenso

Nthondo atchuka ndi luso loimba

- Nthondo adaphunzira kuimba pogwiritsa ntchito sansi ndi njero kotero adatchuka kwambiri ndi nyimbo zake ngakhale kuti mnyamata wina samakondwera nazo nyimbozo kamba ka nsanje ndi kaduka.
- Nthondo ankayimba molingalira umasiye wake motero amatha kuimba ndi kuvina kwinaku akulira atavala nthenga kumutu kwake kotero anthu amamuwonerera limodzi ndi mnyamata wa nsanje uja.
- Nthondo adafupidwa nkuku, mbuzi komanso nkosa chifukwa cha luso lake ndipo iye ankapereka izi kwa atsibweni ake.

Ulendo wa kukapata

- Tsiku lina anyamatawo adayamba kukonzekera ulendo wawo wa ku Kapata ndipo aliyense anakonza chakudya ndi kupezeratu mwana wosenza thumba nanyamuka motsogozedwa ndi Nthondo chifukwa ndi yemwe adali wokulilapo.
- Anyamatawo adayenda nadutsa malo ambiri opatsa chidwi ndi osiririka chifukwa adali ndi mitengo yambiri ndipo adayamikira chauta chifukwa chopereka chilengedwecho mosiyana ndi kwawo komwe kunali mitsinje yabwino.
- Kutawadera anyamatawo adanyamuka nayenda ndipo adafikanso m'mudzi wina wokongola kwambiri womwe munali asungwana ambiri choncho anaganiza zogona popeza kunawadera ndipo adakapempha malo kwa mfumu.
- Anyamatawo adapatsidwa malo ogona ndipo anyamata ambiri anabwera ndi kuwapatsa moni ndipo anapita kukawonera gule usiku kumene Nthondo adakavina nawo.
- Anyamatawo adapalana maubwenzi ndi anzawo apamudzipo ndipo adaswerapo tsiku limodzi nanyamuka ulendo wawo atawapatsa nkuku abwenzi awowo.
- Atanyamuka adakumana ndi nyama zambiri zoopsa mnjira monga ntchefu, mphalapala, akatenthe, mbawala, zilembe komanso adawona matakadzo a mikango ndi afisi ndinso zidindo za mapazi a Njovu.
- Chifukwa cha mantha anthuwo adagona pamudzi wina pamene adauzidwa kuti kulibenso mudzi wina wapafupi kuchokera pamenepo.
- Usikuwo zilombo zidachezera kulira ndipo Nthondo ndi amnzake adagwidwa ndi mantha ambiri.
- Kutacha anyamatawo adanyamuka ndipo anakumana ndi munthu wina yemwe anawathandiza kuwoloka mtsinje wa Buwa womwe unali ndi udzu wotchedwa 'Gumbwa'.

- Kutada anyamatawo adagona pamudzi wina ndipo usiku Nthondo anaba Nkhuni chifukwa chozizidwa koma anagwidwa naweruzidwa ndi kulipira mlandu. Kenaka anapitirira ulendo wake ndi anzakewo kutacha ndipo adayenda mpaka anafika ku Kapata.

Mavuto omwe adakumana nawo pa ulendo wopita ku kapata

1. Kutalika kwa ulendo: iwo adayenda mtunda wotalika moti miyendi idatupa
2. Nyama zolusa: Nthawi zina ankayenda msanga pomwe amachita mantha ndi nyama zosiyanasiyana za mtchire.
3. Kugwidwa ndi kumenyedwa kwa Nthondo: Nthondo adakodwa pa msampha wa njira pamene amathawa kugwiridwa pamene amati akabe nkuni pa khomo pa munthu wina. Nthondo adamenyedwa kwambiri namumangirira ku mzati wa nkosa.
4. Kawolokedwe ka mtsinje wa Buwa: Iwo adauzidwa za kuopsa kooloka Buwa ngati palibe mtsogoleri.

Zabwino zomwe Nthondo ndi anzake adaona popita ku kapata

1. Adaona mitengo yambiri yongoti se! adaikhumbira poti kwawo amayenda mtunda kuti akapeze nsichi yosalala
 2. Adaona mudzi omwe mudali dilitsedulitse wa mipanda. Zipata zake zinali zambiri. Unali mudzi wabwino. Munali mitengo yambiri ya mitawa, anyamata ndi asungwana ambiri.
 3. Adakaonerera gule wa ngoma pa mudzi wina pomwe adagona. Nthondo adavina nawo.
 4. Adaona udzu womera pamwamba pa madzi. Unzu umenewu umatchedwa Gumbwa omwe adachita nawo chidwi
- Atagona m'mawa anafunafuna ntchito ndipo anayesera kwa mzungu wina osaipeza koma adakaipiza kwa mzungu wachiwiri amene adawadikiritsa kwa nthawi yaitali akukazinga chimanga chomwe adanyamula
 - Wantchito wa mzunguyo adawalemba mayina onse ndi kuwapatsa katundu ndi kalata yomwe idali yokaperekera katunduyo.

Ku Kapata

- M'mawa Nthondo adapita pakhomno pa Mzungu wina kufuna ntchito ya mtengatenga koma adawauza kuti palibe ntchito
- Atafika pakhomo pa Mzungu winanso, Mzunguyo adawalemba mayina nawapatsa katundu ndi kalata yokaperekera katunduyo ku Kabula.

Loto lachinayi la Nthondo

- Nthondo usiku adaona atate ake amene kale adafa akupha nsomba ndipo Nthondo adapemphako, koma atate ake adamukanira nati, "Iwe sindiwe mwana wanga chifukwa undichititsa manyazi ndi kuba kwakoko." Pamenepo Nthondo mosadziwika adabako nsomba imodzi. Atate ake adayamba kumupitikitsa. Nthondo adayesesa kuthawa ndi kuuluka, koma osatheka mpaka mpaka atate ake adamugwira pakhosi iye nabanika. (p65)
- **Kufunika kwa lotoli:** Likdathandiza nthondo kusinkhasinkhasinkha za moyo wake ndipo mapeto ake adasiya kuba ndi zina zoipa.
- Mnzake wa Nthondo adamuuza kuti munthu akalota munthu wakufa ndi ziwanda zimenezo choncho wina anamuwuzira kuti akakumbe mizu ya mtengo wa mathulisa (chivumulo) kuti achite mankhwala kuopa kudzapenga kutsogolo.

- M'mawa lake anaphika chakudya nadya ndipo adanyamuka ulendowo atanyamula matumba a thonje.
- Atawoloka Buwa adasiya njira ya kale nadzera njira yachidule
- Anyamatawo adakumana ndi Njovu ndipo adathawira pamudzi wina.
- Usiku njovuzo zidavutitsa kwambiri ndipo zinadya chimanga, mawungu ndi mbewu zina
- Kutacha anyamatawo adanyamuka nawoloka mitsinje ya Lilongwe, Diampwi ndi Linthipe koma adavutika ndi njala.
- Tsiku lina anyamatawo adalanditsa nyama ya mbawala ku mimbulu naidya ndipo ina anakagulira chimanga ndipo ina inali yoti akadyere munjira.
- Mnyamata wina adamva miyendo kupweteka ndipo adakhota pa mudzi wina. Tsiku lina Nthondo adatsekulanso m'mimba kamba ka kudyetsa nyama.

Nthondo ndi anzake ku tchalitchi

- Tsiku lina anyamatawo adamva kulira kwa беру ndipo anawuzidwa kuti chinali chitanthawuzo choti ndi tsiku la Sabata lomwe anthu amakapembeza mulungu.
- Adawuzidwa za Yesu ndipo anawuzidwanso kuti munthu wamakhalidwe oipa (kuba, kupha, chigololo, udani) samalandiridwa ndi Mulungu.
- Anyamatawo adafanizira mchitidwewo ndi kupembedza mizimu kwawo kotero tsiku linalo anapita nawo kukachisiko ngakhale kuti sadasambe.
- Anthu ataimba nyimbo zosiriritsa analowa mkachisi pamodzi ndi achina Nthondo ndipo m'phunzitsiyo adaphunzitsa anthuwo ndi mawu ochokera mu Baibulo ndipo adawaphunzitsa mfundo izi;
 - ii. Adama, opembedza mafano, achigololo, mbava ndi ochimwa onse sadzalowa mu ufumu wa Mulungu
 - iii. Munthu wosatsata Yesu Khristu sangalandire ufulu wa Mulungu
 - iv. Mulungu amacheza nafe kudzera mu maloto
 - v. Munthu wa Yesu amapeza bwino pa dziko lapansi lomwe lino
 - vi. Anthu akusawuka chifukwa sadalandire Yesu Khristu
 - vii. Anthu oipa alibe mtendere
- Nthondo ndi amnzake adamva zonsezo ndipo pomalizira adayitanidwa ndi kudya nawo chakudya.
- Atacheza ndi amzawo anakagona ndipo adasimbirana za zomwe adazona makamaka Nthondo adawonetsa kukhuzidwa kwambiri ndi mawu amulunguwo.
- Nthondo adasirira sukulu ndipo adalonjeza kuti wasiya khalidwe loipa ngakhale kuti mnzake wina adafuna kumunyenga pomunenera zoipa.

Loto la Nthondo

- Usiku Nthondo adalota akupita ku dziko lachilendo komwe adapezako anthu magulu awiri: ena amazunzidwa ndi moto ndinso ena amaimba nyimbo zonga adazimva masana zija.
- Kugulu la kumoto kunali munthu woopsa wa nyanga ziwiri ndi wa mchira wamoto. Kwinako kunali munthu wamtali wovala zoyera m'thupi lake.
- Anthu awiriwa amalimbirana Nthondo. Munthu woopsayo amati, "Munthuyu ngwangwa, chifukwa ngoipa," winayo amati "Ngwanga chifukwa ndidamugula." Pamene amamlimbirana, Nthondo adauka.

- Tsiku linalo anyamatawo adanyamuka pamudzipo ndipo masiku ena adagona panjira.
- Adakambirana zoti asakanyamulenso katundu wina ku Kabulako.
- Tsiku lina anyamatawo adafika ku Kabula ndipo anapereka kalata kwa mnyamata wa ntchito kunyumba ya mzunguyo.
- Mzungu adawafunsa chifukwa chomwe amachedwera ndipo anayankhidwa kuti anadwala ali mnjira kenaka Mzunguyo anawalipira anyamatawo.
- M'mawa anyamatawo adanyamuka ulendo ndipo adayenda masana ndi usiku mpaka adakafika kumudzi kwawo.

MFUNDO ZIKULUZIKULU ZA M'MUTUWU

a. Kudarirana ndi kudalira

- Nthondo, anzake ndi a Mdimu anadalirana popita ku Harare
- Nthondo anadalira anzake ena kuti apite nawo ku Harare chifukwa amnzake oyamba adamusiya.
- Nthondo anadalira anzake kuti apeze ntchito ku Harare
- Nthondo anadalira munthu wina kuti amusungire chuma atamangidwa
- Nthondo anadalira anthu adera kupita nawo kwawo pochoka ku Harare
- Nthondo ndi anzake anadalirana popita ku kapata
- Nthondo ndi anzake adadalira ana kuti awasenzere ufa

b. Chikondi

- Anzake a Nthondo anamuthandiza mnzawo kufuna ntchito kamba ka chikondi
- Mzungu anampatsa ntchito yina Nthondo atatulutsidwa mgadi kachiwiri
- Nthondo atafika ku Harare, anzake adamulozera komwe angakafunse ntchito
- Atadwala Nthondo, Mzungu wake adaziwitsa mzungu wakuchipatala kuti Nthondo wadwala ndipo adatumiza anyamata pamodzi ndi machira kudzamutenga Nthondo kuti apite chipatala
- Anthu am'mudzi wina adawawuza achina Nthondo kuti asapitirire ulendo wawo angajiwe.
- Anyamata a kukachisi anadya nawo chakudya achina Nthondo
- Munthu wina adaperekeze Nthondo ndi anzake kuti awoloke Buwa popeza udali mtsinje woopsa
- Amfumu adapatsa Nthondo ndi anzake malo ogona komanso zaufulu

c. Kukhulupirira mankhwala a zitsamba

- Nthondo adakafuna mankhwala azitsamba atavutika ndi maloto
- Nthondo adauza anzake kuti afune kangaluche mnzawo atadwala litsipa
- Nthondo adakhulupirira kuti pali ena omwe amamuchitira mankhwala kuti azichimwa
- Nthondo atadwala litsipa la ching'alang'ala, adatemera mankhwala a thupi
- Nthondo adatenga ndalama khumi ndi zisanu kupatsa sing'anga kuti amupatse mankhwala oti mfiti (kukhulupirira ufiti) zisamafike pakhomo pake, mankhwala a chidima, ndi mchira wa fisi mankhwala otera.
- Mnyamata wina adamupatsa Nthondo mizu ya Mathulisa ngati mankhwala a ziwanda

d. Nkhanza

- Nthondo adamenya mnzake amene adamukwapula khutu pomwe amayendetsa ngolo.

e. Kuba

- Nthondo adagwidwa akuba mapira
- Nthondo adagwidwa ataba maungu kwa mzungu ndipo adamangidwa
- Nthondo adaba nkhuu imodzi ndipo adauza mzungu kuti nkhuu yasowa
- Nthondo adakaba chuma ku nyumba ya mnzake

f. Bodza

- Nthondo adanamiza anthu ena omwe amapita ku Harare kuti amutengeko popeza anzake adamusiya pomwe amadwala. Anzakewo adamuthawa pomwe adagwidwa taba mapira
- Nthondo tsiku lina sadapite ku ntchito, adanama kuti akudwala
- Nthondo adanamiza mzungu wina pomwe amafuna ntchito kuti akuchokera ku mudzi sadagwireko ntchito ku Harare.
- Nthondo adaba nkhuu imodzi ndipo adanamiza Mzunguyo kuti nkhuu yasowa

g. Ulesi

- Chakudya chitawathera, Nthondo sadakafune nawo ponamizira kuti dzanja likumuwawa

h. Kuteteza

- A Mdimba adamulanditsa Nthondo pomwe amamenyedwa ndi anzake. Nthondo adakana kukagwira ntchito kuti apeze chimanga ponena kuti dzanja likuwawa.

i. Chilango

- Nthondo adalangidwa chifukwa cha kuba mapira.
- Nthondo adalangidwa ataba mawungu a mzungu wake
- Nthondo adalangidwa atavulaza mnzake pangolo ku Harare
- Nthondo adalangidwa ataba nkhuu paulendo wopita ku Kapata

j. Tsoka

- Nthondo adaberedwa katundu mnjira pobwera ku Harare
- Anyamata anakumana ndi zilombo zambiri mnjira popita ku Kapata
- Nthondo adasawutsidwa ndi maloto kwa nthawi zambiri

k. Kudzidalira

- Nthondo ndi anzake adaganiza zopita ku Kapata kukasenza mtengatenga kupititsa ku Kabula

l. Ziphunzitso za Mulungu(Yesu Khristu)

- Anthu wochita machimo sadzalowa mu ufumu wa mulungu
- Munthu wosatsata Yesu sangalandire ufulu kwa Mulungu
- Munthu wotsata Yesu amapeza bwino padziko lapansi lomwe lino

MAPHUNZIRO A M'MUTUWU

- Ndizotheka kusintha makhalidwe oipa
- Munthu wochita zoipa amalangidwa
- Ndibwino kupirira pamene tapezeka kuti tili mu mavuto
- Ndibwino kuthandiza anzathu osowa monga adachitira anyamata ena kumugawira nsalu Nthondo.

MUTU 5: UKULU WAKE

Malo : Kumudzi kwawo kwa Nthondo, Kwa a Mnjondo

Atengambali: Nthondo, Atsibweni ake a Nthondo, Amnzake a Nthondo, mkazi wa Nthondo, Apongozi ake a Nthondo, Mlamu wa Nthondo, A Mzingwa, a Chikunje, a Dzeya, Mzungu wa Mishoni, mphunzitsi ndi ena ambiri.

NKHANI YA M'MUTUWU MWACHIDULE

- Anyamatawo adafika kumudzi kuchokera ku Kabula ndipo anafotokozera anthu zonse zomwe anakumana nazo pa ulendo wawo.
- Nthondo adayamba kukhala kubwalo la akuluakulu kumene ankalangizidwa kuti adzilimbikira ntchito kuti akhale wokhumbirika kwambiri ndi mbeta.
- Chifukwa cha khalidwe labwino Nthondo adakhoza kusoka mphasa, kusema mipini, kumanga masindwi ndinso kugamula milandu ing'onoing'ono.
- Atsibweni ake a Nthondo adafuna kumpatsa mkazi Nthondo koma iyeyo adakana chifukwa mkaziyo adali wamng'ono.
- Nthondo ndi mnzake wina adagwirizana zolekana ndi anzake chifukwa adali ndi makhalidwe oipa ndinso nsanje.

Nthondo afunafuna mkazi

- Nthondo ndi amnzake adakambirana nkhani zofunsa mbeta mu mphala yawo ndipo adalongosolerana njira zosankhira mkazi wabwino.
- Nthondo ndi anzake adapita kukafuna mbeta pa mudzi wa a Mnjondo ndipo Nthondo adapempha madzi kwa mtsikana yemwe adamukondayo.
- Ngakhale atsibweni ake ankafuna kumukaniza adavomereza atadandawula za umasiye wake.
- Nthondo adalonjeza atsibweni ake kuti akakhalakhala kwawo kwa mkazi adzatenga chitengwa kuti adzasunge mudzi popeza iyeyo adali m'phwawo yekhayo wa atsibweni ake.
- Atafotokozera anzake mu mphala Nthondo adapita kwa alamu ake kukawawuza kuti akamufunsirire mbeta ndipo adagwirizana zoti apiteko tsiku linalo.
- Atafika kwa Mnjondoko adalandiridwa ndipo adawuzidwa kuti abwerere kaye kuti uthengawo upite kaye kwa amayi ake a mtsikanayo.
- Nthondo ndi alamu ake anabwerera kumudzi kuti akafotokozere anthu ndipo usiku Nthondo sadagone chifukwa amangolota mkazi wakeyo
- Atapitanso adayankhidwa kuti mtsikanayo walola ndi kuti Nthondo apite naye mawa lakelo.
- Pamene amapita tsiku linalo mlamu wake wa Nthondo adamulangiza Nthondo kuti akakhale ndi makhalidwe abwino ku chikamwiniko.
- Atafika anapereka malonje ndipo Nthondoyo adalandiridwa pamudzi wa a Mnjondopo.
- Nthondo adaperekeza alamu akewo kunjira komwe adabwereza kumulangiza ndipo iye anamva ndi kuwauza kuti akamperekereko moni kwa Mdzitula.

Nthondo ku chikamwini

- Atamulozera nyumba yoti azigona Nthondo ndi mkazi wake anasonkha moto ndipo mkazi wake wa Nthondo anakatenga nsima ya ndiwo ya nyama ya nkhuu onse ndikudya nyamayo.

- Nthondo adatsanzika kuti apite kwawo ndiwo anampatsa mkanda ndicholinga choti asakakhale kwawo komweko.
- Atafika kumudzi kwawo Nthondo adapempha nkuku yoti akawaphere apongozi ake ndipo mnyamata wina adampatsa nkukuyo namlangiza kuti aphike.
- Anthu aja anadya ndiwo ija mogawana bwinobwino ngakhale kuti apongozi ake a Nthondo anapereka nyama yonse poyamba zinthu zomwe Nthondo sadagwirizane nazo.
- Mkazi wake wa Nthondo atakula chinamwali anthu am'mudzimo adakonza mwambo wa chinamwali ndipo anayitana anthu akumudzi kwawo kwa Nthondo pa mwambowo.
- Nthondo adasoka mphasa nazipereka kwa a Mnjondo pokonzekera mwambo wa chinamwaliwo.
- Pamwambowo anthu adalanga Nthondo ndi mkazi wake komanso adawameta.

Nthondo ayamba kudzidalira

- Nthondo adayamba kutcha misampha kuti azipha nyama popeza ndiwo zamasamba zidakola kotero adayamba kupha nyama zambiri moti anthu ankamukhumbira kamba ka khama lakelo.
- Nthondo ankayambirira kugwira zintchito pokonzekera ulimi pomwe anzake ena amamuseka koma anadzawoneka wa nzeru nthawi yamvula itafika pomwe anzakewo amatanganidwa.
- Nthondo adayamba kuswa mphanje kamba ka njala ndipo atalima adakolola zakudya zambiri choncho apongozi ake adamkonda ndipo Nthondo adakhala mwa mtendere ndi mkazi wake chifukwa samapsetsana mtima

Nthondo achita chitengwa

- Tsiku lina Nthondo adafunsa mkazi wake za chitengwa ndipo mkaziyo adalola mosavuta choncho Nthondo adapita kwawo nakafotokozera atsibweni ake kuti abwera kudzakhalala kwawoko ndi mkazi wake.
- Atsibweni ake a Nthondo adatumiza nkhoswe ya Nthondo kwa a Mnjondo kukapempha chitengwa ndipo adawalola ngakhale kuti apongozi ake anadandawula kwambiri.
- Nthondo adapita kukakonza kanyumba kwawo ndipo kenaka adanyamuka limodzi ndi mkazi wake kukakhala kwawo.
- Nthondo adalima mphanje ndipo chimanga chake chinabereka kwambiri kotiti anthu amayesa kuti iyeyo adali ndi mankhwala amfumba.
- Nthondo ndi mnzake adagwirizana zokaswa mphanje tsiku linalo ndipo anapitadi nagawana malowo.

Mzungu afika mu mudzi wa a Chembe

- Akulima adamva phokoso kumudzi ndipo iwo anapita kumudziko komwe adamvetsedwa kuti kunabwera mzungu.
- Anthu onse am'mudzimo adakondwera powona mzunguyo ndipo atsibweni ake a Nthondo adapita kukalonjera Mzunguyo atanyamula mbuzi yomwe ankayikoka ndi Nthondo.
- Mfumuyo idauzidwa kuti nkhani ayimva madzulo kuchokera kwa Mzunguyo koma Mzunguyo adaitanitsa madzi ndi nkuni zosinthanitsana ndi mchere.
- A mfumu, A Mzingwa, a Chikunja ndi a Dzeye adauzidwa ndi Mzungu kuti kuti iyeyo amafuna kuti abweretse sukulu m'mudzimo kotero anthuwa adati ayankha mawa lake.
- Atapita pa upo a Mfumu ndi amnzawo aja adakana sukulu koma Nthondo adamuwumiriza kuti aivomere sukuluyo kotero adakavomeradi atapita kwa Mzunguyo.

- Atatero Mzunguyo adakondwera, nathokoza ndipo anatsanzika napita kwawo atasiya kalata yoti akaipereke kwa Mzungu wa ku Boma. Anasiyanso thumba la mchere komanso adagawira mabulangeti mfumuzo.
- Tsiku lina amfumu adasonkhanitsa anthu kuti awafotokozere zolinga za Mzunguyo ndi kalata ija ndipo anthu onse adawalola kuti apititse kalatayo ku Boma kuja.
- Amfumu ndi nduna zawo zija limodzinso ndi Nthondo adapita ndi kalatayo ku Boma ndipo Mzungu wa ku Boma adawafunsa ngati sukuluyo sadzaikana ndipo atatero adawalamula kuti akamange nyumba yabwino ya sukulu.

Sukulu imangidwa mu mudzimo

- M'mawa lake mfumuzo zidasonkhanitsa anthu ndi kuwadziwitsa zomwe adawauza Mzungu wa ku Boma koteru anthuwo adayamba kuthandizana pa zintchito zomanga nyumba ya sukulu.
- Tsiku lina Mzunguyo adabwera napeza Nthondo yekha popeza atsibweni ake amakamwa mowa ndipo adasiya uthenga woti amadzangowona nyumba ija komanso kuti adzawatumizira m'phunzitsi kenako adakwera pabulu napita.
- Nthondo adawafotokozera zonse atsibweni ake atachoka kumowa kuja.

Mphunzitsi afika mu mudzimo

- Tsiku lina m'phunzitsi adafika m'mudzimo atavala nsalu zoyera ndipo anakafikira ku nyumba ya amfumu.
- Anthuwo adakalonjera m'phunzitsiyo ndipo Nthondo adafunafuna nyumba yogonamo m'phunzitsiyo komanso adamukonzera chakudya.
- Ndipo m'phunzitsiyo adawuza amfumu kuti mawa lake ayamba sukulu pamudzipo ndipo adapempha omuphikira ndi kulonjeza kuwalipira ndalama zitatu koteru amfumu adalonjeza m'phunzitsiyo kuti amusamalira.
- Tsiku lina m'phunzitsi uja adaomba lipenga ndipo adayamba kupemphera, kuwerenga buku lakuda (Baibulo) ndinso kufotokozera anthuwo za chikondi cha Yesu.
- M'phunzitsiyo adayamba kuwaphunzitsa anthuwo moti pang'onopang'ono adayamba kudziwa kuwerenga ngakhale kuti poyamba adali ndi mavuto.
- Nthondo adasirira kwambiri m'phunzitsiyo ndipo adalakalaka naye atakhala m'phunzitsi.
- Anthu ambiri pamodzi ndi mfumu zomwe adasonkhana kusukuluko moti adaikonda sukuluyo chifukwa chodziwa kuwerenga.
- Tsiku lina m'phunzitsi adawuza Nthondo kuti awauze anthu onse m'mudzimo zoti agwiriretu zintchito zawo popeza tsiku linalo linali la Sabata limene samagwira ntchito.
- Nthondo adakawuza atsibweni ake zomwe adanena Mzunguyo ndipo atsibweni ake adakhumudwa ndi kumuwuza kuti izi zinali zoipa zomwe ankanena kuti Mzunguyo abweretse komabe adamulola kuwawuza anthu uthengawo.
- Nthondo adawauza atsibweni akewo kuti adali ndi ana awiri a mapasa (m'modzi mwamuna ndi wina wa mkazi)
- Tsiku lina Nthondo adaphika mowa ndi kuitana m'phunzitsiyo kuti amwe naye ndipo Nthondo adafotokozera m'phunzitsiyo za maloto oipa omwe iyeyo ankalota pa maulendo ake.
- M'phunzitsiyo adawuza Nthondo kuti malotowo anali wotumizidwa ndi satana ndipo anamuwuza kuti atsate Yesu ngati amafuna kupeza mtendere.

- Nthondo adalowa kalasi naphunzira mpaka adabatizidwa ndi Mzungu wamishoni nakhala Mkhristu kotero Nthondo adakopanso anthu ambiri kuti atsate Yesu.

Nthono atembenuka mtima

1. Anasiya kuyendayenda. Amakonda kukhala pa bwalo ndi akuluakulu. Ntchito zonse zomwe akuluwo amachita, iye amachitanso nawo. (p74)
2. Kuba analeka. Anthu anachita kudabwa kuti zinthu sizikubedwa (74)
3. Akalangizidwa amakondwera. Akuluakulu adamulangiza kuti azigwira ntchito molimbika osati mwa ulesi (p74)
4. Adali womvera chifukwa akamutuma samakana. Anthu adayamba kumutuma moti anaphunzira nawo ntchito zaluso monga kusema mipini ndi kusoka mphasa (p74)
5. Anayamba kuweruza nawo milandu ing'onoing'ono (p74)
6. Anasankha mabwenzi abwino. Anasiya kuyenda ndi anzake a mkhalidwe oipa omwe amakana sukulu. (p75)
7. Amalimbikira sukulu, kuwerenga ndi kuimba nyimbo.

MFUNDO ZIKULUZIKULU ZA M'MUTUWU

a. Miyambo

- Atsibweni ake a Nthondo adafuna kumpatsa mkazi Nthondo
- Nthondo ndi alamu ake adakafunsa mbeta kwa a Mnjondo
- Anthu anachita mwambo wa chinamwali mkazi wake wa Nthondo atatha msinkhu.
- Nthondo anakakhala chikamwini kwa a Mnjondo.
- Nkhoswe ya Nthondo idakapempha chitengwa kwa Mnjondo

b. Kudalirana

- Nthondo ndi mkazi wake amadalirana pa zintchito mnyumba mwawo.
- Anthu am'mudzi anadalirana popanga upo wopereka yankho kwa mzungu.

c. Kudalira

- Apongozi ake a Nthondo ankamudalira mkamwini wawo Nthondo.
- Mfumu inadalira mfumu zing'onozing'ono pa chiganizo chovomera kapena kukana sukulu.
- Mfumu inadalira anthu ake kuti apereke chivomerezo choti akapereke kalata kwa Mzungu wa ku Boma.
- Nthondo adadalira a Chembe kuti atume munthu akafunsire mbeta kwa a Mnjondo
- Atsibweni ake a Nthondo anadalira Nthondo pomuwuza kuti adzasunge mudzi kutsogolo.
- Nthondo adadalira mnyamata wina kuti amupatse nkuku yoti akapatse apongozi ake

d. Kudzidalira

- Nthondoa adali mlenje
- Nthondo amasoka mphasa, kusema mpini ndi kumanga masindwi a nyumba, kulima

e. Kuthandizana

- Anthu am'mudzi anathandizana kumanga nyumba ya sukulu.
- Nthondo ndi anzake anathandizana maganizo oti akalime mphanje.
- Amfumu ndi mfumu zing'onozing'ono zinathandizana pa nkhani ya kutsegula sukulu m'mudzi mwawo.

f. Chikondi

- Mzungu wa Mishoni adakonda anthu am'mudzi mwa kwawo kwa Nthondo powabweretsera sukulu.
- Mzungu anapereka mabulangete ndi thumba la mchere kwa mfumu kwa mafumu ndi anthu am'mudzi.
- Mzungu wa mishoni anawabweretsera m'phunzitsi anthu a m'mudzi mwa kwawo kwa Nthondo.
- Anthu am'mudzi anamufunira nyumba ndi chakudya m'phunzitsi wawo.
- A Chembe adapatsa mzungu mbuzi kuti adye
- Mkulu wina adapatsa Nthondo malo oti aswe mphanje
- Mnyamata wina adamupatsa Nthondo tambala wa kamphambe pomwe Nthondo amafuna nkuku yokaphera apongozi ake

g. Kulemekeza ufulu wa achinyamata

- Mafumu adalemekeza maganizo a Nthondo oti avomere kutsegula sukulu m'mudzi mwawo.

h. Kulimbikira ntchito ndinso sukulu

- Nthondo ankatcha misampha kuti apeze ndiwo.
- Nthondo ankali mphanje kuti athetse njala pakhomo pawo.
- Nthondo ankayambirira kukonzekera ulimi kuti asavutike Nthawi ya dzinja ikafika
- Khama: Nthondo sadajombe pamene pamene anayamba sukulu ndipo adakondetsa kuwerenga ndi kuimba nyimbo zapamtima

i. Njira zopezera mkazi wabwino

- Mkazi azikhala wantchito osati wosambasamba.
- Mkazi asamakhale mwana wa mtsibweni wako.
- Mkazi azikhala wodziwa kuphika.

j. Umphawi: Nthondo ndi anzake adapita ku mtengatenga ku Kapata chifukwa adalibe zovala

k. Kukhumbira: Nthondo ndi anzake adakhumbira zomwe adawona pa sukulu ya pa Domwe kotero kuti Mzungu atabwera ndi ganizo lofuna kutsekula sukulu mu mudzimo sanafune kuutaya mwayiwu

l. Kulimba mtima: Pamene mafumu ndi atsibweni ake anakana zobweretsa sukulu mu mudzimo, Nthondo sanachite mantha kutsutsana nawo akuluakuluwo. Iye adanena mwachimvekere kuti iye ndi ena achinyamata adayifuna sukuluyo.

MAPHUNZIRO A M'MUTUWU

- Maganizo a achinyamata nawonso amakhala aphindu pobweretsa chitukuko m'dera.
- Kulimbikira ntchito kumapindulitsa.
- Nsanje siyipindula kalikonse.
- Mutu umodzi susenza denga.

MUTU 6: UFUMU WAKE

- **Malo:** Kwawo kwa Nthondo, kwa mfumu yaikulu
- **Atengambali:** Nthondo, a Dzeya, a Chembe, a Mzingwa, anthu am'mudzi, anthu a kwa mfumu yaikulu.

NKHANI YA M'MUTUWU MWACHIDULE

- Atsibweni ake a Nthondo anadwala ndipo nduna zidatuma Nthondo kukanena uthenga kwa mfumu yaikulu koma asanapite atsibweni akewo anamwalira.
- Nduna idauza Nthondo kukanena malirowo kwa mfumu yayikulu namupatsa mbuzi yokanenera. Koma pochokera kwa mfumu yayikuluyo, adapeza malirowo ataika kale.
- Anthu am'mudzimo atasonkhanitsana, akazi (mbumba) omwe adasankha Nthondo kukhala woyenera ufumu.
- Anaphika mowa ndi kutumiza uthenga kwa mfumu yayikulu kuti adzakhale nawo pa mwambowo.
- Patapita masiku angapo mwambowo unachitika ndipo Nthondo analowa ufumu, anampatsa malangizo osungira mudzi ndipo anthu onse anamwazikana.
- A Mzingwa ndi a Dzeya adafuna kumuwuza Nthondo kuti asathetse Mzinda chifukwa choti iyeyo ndi Mkhristu podabwa kuti maliro akamachitika m'mudzimo Nthondo samachita Mzinda.
- Nthondo anakana maganizo a nduna zija ndipo anaziuza kuti amene sankafuna sukulu achoke m'mudzimo.
- A Dzeya ndi a Mzingwa anamuyesa Nthondo ngati wachibwana ndipo anachoka pamalopo mokwiya.
- Nthondo analimbikitsa anthu am'mudzimo kupita ku sukulu pamodzi ndi ana ake omwe ankawakalipira akajomba kusukulu.
- Anthu ambiri adayamba kupeza phindu mu sukulu ndipo ambiri amasandulika a Khristu chifukwa chodziwa za chikondi cha ambuye Yesu.
- Nthondo adakhalabe mfumu kwa zaka zingapo ndipo anjala amawathandiza ndi kuwapatsa chakudya ndinso otetana (amikangano, ofooka) adawaletsa ndi kuwakhazika mu mtendere.
- Tsiku lina Nthondo anadwala chibayo (chilaso) ndipo anthu ambiri anabwera ndi mankhwala awo koma analephera, Nthondo adamwalira.
- Anthu ambiri anamva chisoni ndi maliro a Nthondo chifukwa cha ntchito zake zabwino.
- M'phunzitsi adatsiriza ndi pemphero pa mwambo wa malirowo ndipo anthu ambiri adamuyesa Nthondo ngati mtsogoleri amene adawatengera chokoma m'mudzi mwawo.

MFUNDO ZIKULUZIKULU ZA M'MUTUWU.

a. Kudalira

- Anthu am'mudzi anadalira akazi kuti asankhe munthu woyenera kukhala mfumu.
- Anthu am'mudzi anadalira anthu a kwa Mfumu yaikulu pa mwambo wolonga Nthondo ufumu.
- A Dzeya ndi a Mzingwa anadalira Nthondo kuti asathetse Mzinda m'mudzimo.
- Nduna zinadalira Nthondo kukanena uthenga wa Maliro kwa mfumu yaikulu.
- Anthu adamudalira Nthondo kuti alowe ufumu wa atsibweni ake a Chembe

b. Kudalirana

- A Dzeya ndi a Mzingwa anadalirana pokamuwuza Nthondo kuti asathetse Mzinda.

c. Chikondi

- Nthondo amapatsa chakudya anthu anjala
- Anthu ambiri adabwera ndi mankhwala awo Nthondo atadwala chilaso

d. Kutumikira

- Nthondo adapita kwa mfumu yaikulu kukanena za imfa ya a Chembe atatumidwa ndi nduna yayikulu

e. Kulimba mtima

- Nthondo sadazengereze koma kunenetsa kwa mafumu monga Dzeya ndi a Mzingwa kuti ngati akufuna za mzinda achoke mdera lake.

f. Kusi yana pakati pa achinyamata ndi akulu

- Achinyamata amafuna sukulu pamene achikulire amafuna kupitiriza mzinda

g. Kusi yana pakati pa Chikristu ndi chikunja

- Nthondo poyamba adali wakuba, wa ndewu komanaso wa nkhanza asanatembenuke kukhala mkristu, koma pano watembenuka ndipo akuthandiza anthu anjala ndi chakudya

h. Miyambo

- Mwambo wa maliro a atsibweni ake a Nthondo ndinso wa maliro a Nthondo.
- Mwambo wolonga ufumu Nthondo.

i. Chisoni/imfa

- Anthu anali ndi chisoni pa maliro a atsibweni ake a Nthondo.
- Anthu anali ndi chisoni pa maliro a Nthondo.

j. Udindo ndi Kuthandiza

- Nthondo ankathandiza anthu anjala pamene iye adali mfumu
- Nthondo ankathandiza anthu otetana
- Nthondo ankalingikitsa anthu kupita ku sukulu

k. Kudzidalira

- Nthondo anadzidalira yekha poyankha nduna kuti amene ankafuna mzinda achoke pamudzipo.

l. Malangizo

- Nthondo adamulangiza za kasungidwe ka mudzi pamene ankamulonga ufumu.

m. Kuthandizana

- Anthu am'mudzi anathandizana pa matenda ndi maliro a atsibweni ake a Nthondo.
- Anthu am'mudzi anathandizana pa matenda ndi maliro a Nthondo

n. Ukhrisitu

- Anthu ambiri amaphunzira sukulu ndi kusandulika akhrisitu.

MAPHUNZIRO A M'MUTUWU

- Kumathandizana pa nthawi ya mavuto.
- Ndi bwino kumalemekeza maganizo a anthu ena maka a azimayi ndi achinyamata.
- Ndi udindo wa makolo kulimbikitsa ana kupita ku sukulu.

Mafunso oyankha mwachimangirizo

1. Fotokozni zikhulupiriro **zinayi** zopezeka mu bukuli
2. Tsimikizani mawu oti *mvula ikakuwona litsiro siikata* pofotokoza mfundo **zinayi** malingana ndi zomwe zidamuchitikira Nthondo pa ulendo wake woyamba.
3. Tsimikizani mawu oti *mvula ikakuwona litsiro siikata* pofotokoza mfundo **zinayi** malingana ndi zomwe zidachitikira amayi Nthondo.
4. Fotokozani anthu **anayi** omwe adamwalira mu bukuli ndi munene momwe imfa zawo zikadatha kupewedwera
5. *Khalidwe loipa lilinso ndi zotsatira zake zoipa.* Tsimikizani mawuwa pofotokoza mfundo **zinayi**
6. Fotokozani mfundo **zinayi** zosonyeza kuti adakumana ndi anthu amitima yabwino popita ku kapata
7. Fotokozani mfundo **zinayi** zosonyeza kuti Nthondo adali munthu wasaweruzika asadatembenuke mtima
8. Fotokozani mfundo **zinayi** zosonyeza kuti Nthondo adali munthu wosamvera asadatembenuke mtima
9. Tsimikizani polemba mfundo **zinayi** kuti milandu yambiri mkhaniyi siidagamulidwe mwachilungamo
10. Fotokozani mfundo **zinayi** zotsimikiza mfundo zotsatirazi
 - a. Umphawi
 - b. Kulimba mtima (kwa nthondo)
 - c. Chifundo
 - d. Matenda
 - e. Kudalira
 - f. Kudzidalira
 - g. Kukhulupirira mizimu